

PODACI O PROJEKTU

Bosna i Hercegovina Novembar 2019. godine

PROJEKAT OTPADNIH VODA ZENICA (WWZE)



Projekat prikupljanja i prečišćavanja otpadnih voda Zenica (WWZE) usmjeren je na osiguranje sakupljanja i prečišćavanja komunalnih otpadnih voda Grada Zenice na način koji je higijenski za životnu sredinu, uz troškove prihvatljive za građane. Time se doprinosi poboljšanju životnih uslova stanovništva i zaštiti životne sredine, posebno rijeke Bosne i njenih pritoka u Zenici i naseljima lociranim nizvodno. Osim toga, ovaj projekat će ojačati operativne i upravljačke kapacitete javnog vodovodnog preduzeća u pogledu prikupljanja i prečišćavanja otpadnih voda.

POBOLJŠANJE USLUGA ODVODNJE OTPADNIH VODA I KVALITETA VODE U RIJECI BOSNA

Samo 41% stanovništva u Bosni i Hercegovini (BiH) ima pristup uslugama odvodnje otpadnih voda i samo 16% prikupljenih otpadnih voda se prečišćava. To je daleko ispod potreba da se osigura čista i zdrava životna sredina i dostignu standardi propisani direktivama Evropske unije. Približno 75% urbanog stanovništva Zenice je priključeno na gradsku kanalizacionu mrežu, dok mjesne zajednice u okolini Zenice još nisu priključene. Komunalne otpadne vode se ispuštaju u rijeku Bosnu bez prečišćavanja, pomiješane sa industrijskim otpadnim vodama. Ispuštanje neprečišćenih otpadnih voda uzrokuje značajno zagađenje vode u rijeci i predstavlja rizik za zdravlje stanovništva.

GRAĐANI U ZENICI I NIZVODNO DUŽ RIJEKE BOSNE ĆE OSJETITI KORISTI OD PROJEKTA

Projekat obuhvata izgradnju postrojenja za prečišćavanje otpadnih voda, rehabilitaciju gradske kanalizacione mreže i njeno proširenje, uključujući i glavne kolektore, čime će stanovništvo iz okolnih mjesnih zajednica biti povezano na gradsku kanalizacionu mrežu. Projekat će osigurati potpuno razdvajanje komunalnih i industrijskih otpadnih voda, uz integraciju mjera za smanjenje rizika od katastrofa u skladu sa potrebama. Osim toga, podrška korporativnom razvoju javnog vodovodnog preduzeća će omogućiti njegovu održivost u okviru funkcionalnog institucionalnog i regulatornog okruženja u sektoru vodnih usluga. Federalne institucije će osigurati implementaciju odgovarajućih mjera od strane industrijskih zagađivača koji svoje otpadne vode ispuštaju direktno u rijeku Bosnu i njene pritoke na području Grada Zenice. Planirane su ograničene mjere za integrisani urbani razvoj. Projekat će pozitivno uticati na životne uslove preko 200'000 ljudi u Zenici i naseljima lociranim nizvodno.



INVESTICIJE ŠIROKIH RAZMJERA ZA ODRŽIVU ŽIVOTNU SREDINU

Projekat otpadnih voda Zenica odvija se od 2018. do 2025. godine, osiguravajući investicije od 20.5 miliona Eura. Vlada Švicarske će donirati 5 miliona Eura, a Vlada Njemačke će donirati 14.5 miliona Eura kroz Njemačku razvojnu banku (KfW). Grad Zenica će doprinijeti sa 1.0 milion Eura. Projekat predstavlja nastavak tekućeg partnerstva između švicarskog Državnog sekretarijata za ekonomske poslove (SECO) i KfW-a u Zenici, na unaprijeđenju sistema vodosnabdjevanja, jačanju kapaciteta javnog vodovodnog preduzeća, te oporavku od poplava i smanjenju rizika od katastrofa.

SAŽETAK PROJEKTA

NAZIV:

Projekat prikupljanja i prečišćavanja otpadnih voda Zenica (WWZE)

DOMENA:

Lokalna uprava i opštinske usluge

TEMA:

Uprava, institucije i decentralizacija

ZEMLJA/REGIJA:

Bosna i Hercegovina

PARTNERI:

Grad Zenica i javno vodovodno preduzeće
Ministarstvo finansija i trezora BiH
Federalno Ministarstvo finansija
Federalno Ministarstvo poljoprivrede, vodoprivrede i šumarstva
Federalno Ministarstvo okoliša i turizma
Agencija za vodno područje rijeke Save
Ministarstvo za prostorno uređenje, promet i komunikacije i zaštitu okoline Zeničko-Dobojskog kantona
Njemačka Razvojna banka KfW – Implementacijski partner
Njemačka Vlada (donacija)

POLAZNA TAČKA / POPRATNE INFORMACIJE:

Približno 75% urbanog stanovništva Zenice je priključeno na gradsku kanalizacionu mrežu, dok mjesne zajednice u okolini Zenice još nisu priključene. Komunalne otpadne vode se ispuštaju u rijeku Bosnu bez ikakvog prečišćavanja, pomiješane sa industrijskim otpadnim vodama. Ispuštanje neprečišćenih otpadnih voda uzrokuje značajno zagađenje vode u rijeci i rizik za zdravlje stanovništva.

CILJ PROJEKTA:

Cilj projekta je da se osigura sakupljanje i prečišćavanje komunalnih otpadnih voda Grada Zenice na način koji je higijenski za životnu sredinu, uz troškove prihvatljive za građane. Osim toga, ovaj projekat će ojačati operativne i upravljačke kapacitete javnog vodovodnog preduzeća u pogledu prikupljanja i prečišćavanja otpadnih voda, te omogućiti njegovu održivost u okviru funkcionalnog institucionalnog i regulatornog okruženja u sektoru vodnih usluga.

CILJNA GRUPA:

Grad Zenica i javno vodovodno preduzeće

BUDŽET:

20.5 million Eura

TRAJANJE

2018-2025

DODATNE INFORMACIJE I KONTAKT PODACI

State Secretariat for Economic Affairs (SECO)

Holzikofenweg 36
CH-3003 Bern
Tel. +41 58 462 56 56
Fax +41 58 462 27 49
www.seco.admin.ch

Ambasada Švicarske u Bosni i Hercegovini

Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sarajevo@eda.admin.ch
www.eda.admin.ch/bosnia-and-herzegovina